



卷九十四

書名 史記一百三十卷 慶長元和間古活字印本
 撰者 漢 司馬遷 撰，劉宋 裴駟 集解，唐 司馬貞 索隱，唐 張守節 正義
 卷 卷九十四
 內容分類 史-正史-分刻-史記
 索書號 貴重-30
 編號 B1112300

[彩色首頁1](#)
[彩色首頁2](#)

東洋文化研究所漢籍目錄 編號: B1112300
 東洋文化研究所漢籍目錄所藏漢籍善本文影像資料庫 索書號: 貴重-30
 漢籍善本文影像資料庫文本史記一百三十卷 慶長元和間古活字印本
 版權所有: 東京大學 東洋文化研究所
 使用上的注意事項

三皇本紀

補史紀 小司馬氏撰并注

小司馬氏云太史公作史記古今君臣宜應上自開闢下迄當代以為一家之首尾今闕三皇而以五帝為首者正以大戴禮有五帝德篇又帝世皆叙自黃帝已下故因以五帝本紀為首其實三皇已遷載籍罕備然君臣之始教化之先既論古史不合全關近代皇甫謐作帝王代紀徐整作三五歷皆論三皇已來事斯亦近古之一證今並採而集之作三皇本紀

雖復淺近聊補闕云

大皞氏風姓代燧人氏繼天而王母曰

田儋列傳第三十四

史記九十四

田儋者狄人也

徐廣曰今樂安臨濟縣也正義曰淄州高苑縣西北北

狄故縣城故齊王田氏族也儋從弟田榮榮弟田

橫皆豪宗彊能得人

索隱曰儋子市從弟榮榮子廣榮弟橫各逆為

王榮并王三齊陳涉之初起王楚也使周市略定魏

地北至狄狄城守田儋詳為縛其奴從少年

之廷欲謁殺奴

服虔曰古殺奴婢皆告官儋欲殺令故詐縛奴而以謁也

見狄令因擊殺令而召豪吏子弟曰諸侯皆

齊

反秦自立蓋古之建國儋田氏當王遂自立

為齊王

徐廣曰二世元年九月也發兵以擊周市周市軍

還去田儋因率兵東略定蓋地秦將章邯圍

魏王咎於臨濟急魏王請救於齊齊王田儋

將兵救魏

徐廣曰二年六月

章耶夜銜枚擊大破齊

魏軍殺田儋於臨濟下儋弟田榮收儋餘兵

走東阿齊人間王田儋死迺立故齊王建之

弟田假為齊王田角為相田間為將以距諸

齊

侯田榮之走東阿章邯追圍之項梁聞田榮之急廼引兵擊破章邯軍東阿下章邯走而西項梁因追之而田榮怒齊之立假廼引兵歸擊逐齊王假假亡走楚齊相角亡走趙角弟田間前求救趙因留不敢歸田榮乃立田儋子市為齊王徐廣曰二榮相之田橫為將平齊地項梁既追章邯章邯兵益盛項梁使使告趙齊發兵共擊章邯田榮曰使楚殺田

假趙殺田角田間廼肯出兵楚懷王曰田假

與國之王窮而歸我殺之不義趙亦不殺田

角田間以市於齊齊曰蝮螫手則斬手螫足

則斬足何者為害於身也應劭曰蝮一名虺螫人手足則割去

其肉不然則致死○索隱曰蝮音芳伏反螫音臙又音釋○正義曰按蝮毒蛇長二三尺

嶺南北有之虺長一二尺頭腹皆一過說文云虺博三寸首大如拳拳手大指也音步歷

反今田假田角由間於楚趙非直手足戚也

文穎曰言將亡身非手足憂也瓚曰於楚趙非手足之親何故不殺且秦

復得志於天下則齟齬用事者墳墓矣

如淳曰齟

齟猶齟齬○索隱曰齟音蟻齟音訖齟側齒齟也○正義曰按秦重得志非但辱身墳墓

亦發掘矣君子胥鞭刑平王墓一云墳墓言死楚趙不聽齊亦怒終

不肯出兵章邯果敗殺項梁破楚兵楚兵東

走高章邯渡河圍趙於鉅鹿項羽往救趙由

此怒田榮項羽既存趙降章邯等西屠咸陽

滅秦而立侯王也迺徒齊王田市更王膠東

治即墨齊將田都從共救趙因入關故立都

怒一不作怨

為齊王治臨淄故齊王建孫田安項羽方渡

河救趙田安下濟北數城引兵降項羽項羽

立田安為濟北王治博陽田榮以負項梁不

肯出兵助楚趙攻秦故不得王趙將陳餘亦

失職不得王二人俱怨項王項王既歸諸侯

各就國田榮使人將兵助陳餘令反趙地而

榮亦發兵以距擊田都田都亡走楚田榮留

齊王市無令之膠東市之左右曰項王彊暴

而王當之膠東不就國必危市懼迺亡就國
田榮怒追擊殺齊王市於即墨還攻殺濟北
王安於是田榮迺自立為齊王盡并三齊之
地索隱曰田市王膠東田郡王齊田安正濟北項王聞之大怒迺
北伐齊徐廣曰三年正月○正義王田榮兵敗走平原
日平原也平原人殺榮項王遂燒夷齊城郭所
過者盡屠之徐廣曰立故王田假也齊人相聚畔之榮
弟橫收齊散兵得數萬人友擊項羽於城陽

徐廣曰假走楚楚殺之○正義曰城陽濮州雷澤是而漢王率諸侯敗

楚入彭城項羽聞之迺釋齊而歸擊漢於彭
城因連與漢戰相距榮陽以故田橫復得收
齊城邑徐廣曰四月立田榮子廣為齊王而橫相
之專國政政無巨細皆斷於相橫定齊三年
漢王使酈生往說下齊王廣及其相國橫橫
以為然解其歷下軍漢將韓信引兵且東擊
齊齊初使華無傷田解軍於歷下以距漢漢

使至廼罷守戰備縱酒且遣使與漢平漢將
韓信已平趙燕用蒯通計度平原襲破齊歷
下軍因入臨淄齊王廣相橫怒以酈生賣已
而亨酈生齊王廣東走高密徐廣曰高作假相橫走
博陽守相田光走城陽將軍田既軍於膠東
楚使龍且救齊齊王與合軍高密漢將韓信
與曹參破殺龍且徐廣曰四月虜齊王廣漢將
灌嬰追得齊守相田光至博陽而橫聞齊王

死自立為齊王還擊嬰敗橫之軍於贏下

晉灼曰泰山贏縣也○正義曰故贏城在兗州博城縣東北百里田橫亡走

梁歸彭越彭越是時居梁地中立且為漢且

為楚韓信已殺龍且因令曹參進兵破殺田

既於膠東使灌嬰破殺齊將田吸於千乘正義

曰千乘故城在淄州高苑縣北二十五里韓信遂平齊乞自立為

齊假王徐廣曰一月也漢因而立之後歲餘漢滅項

籍漢王立為皇帝以彭越為梁王田橫懼誅

而與其徒屬五百餘人入海居島中

韋昭曰海中山

日島○正義曰按海州東海縣有島山去岸八十里高帝聞之以為田

橫兄弟本定齊齊人賢者多附焉今在海中

不收後恐為亂迺使使赦田橫罪而召之田

橫因謝曰臣亨陛下之使酈生今聞其弟酈

商為漢將而賢臣恐懼不敢奉詔請為庶人

守海島中使還報高皇帝迺詔衛尉酈商曰

齊王田橫即至人馬從者敢動搖者致族夷

迺復使使持節具告以詔商狀曰田橫來大

者王小者迺侯耳不來且舉兵加誅焉田橫

迺與其客二人乘傳詣雒陽如淳曰四馬下足為乘傳未

至三十里至尸鄉廐置應劭曰尸鄉在偃師墳曰廐置置馬以傳

也橫謝使者曰人臣見天子當洗沐止留謂

其客曰橫始與漢王俱南面稱孤今漢王為

天子而橫迺為亡虜而北面事之其恥固已

甚矣且吾亨人之兄與其弟併肩而事其主

縱彼畏天子之詔不敢動我我獨不媿於心
乎且陛下所以欲見我者不過欲一見吾面
貌耳今陛下在洛陽令斬吾頭馳三十里間
形容尚未能敗猶可觀也遂自剄令客奉其
頭正義曰從使者馳奏之高帝高帝曰嗟乎
有以也夫起自布衣兄弟三人更王豈不賢
乎哉為之流涕而拜其二客為都尉發卒二
千人以王者禮葬田橫正義曰齊田橫墓在
偃師西十五里崔豹

古今注云薤露蒿里送哀歌也出自橫門人
橫自殺門人傷之而作悲歌言人命如薤上

露易稀滅至李延年乃分為二曲薤露送王
公貴人蒿里送士大夫庶人使挽逝者歌之

俗呼為挽歌既葬二客穿其冢旁孔皆自剄下從

之高帝聞之迺大驚以田橫之客皆賢吾聞
其餘尚五百人在海中使使召之至則聞田
橫死亦皆自殺於是迺知田橫兄弟能得士
也

太史公曰甚矣蒯通之謀亂齊驕淮陰其卒

亡此兩人

韓信田橫

蒯通者善為長短說

索隱曰言欲令

此事長則長說之短則短說之故戰國策亦名曰短長書是也

論戰國之權

變為八十一首

漢書曰號為雋永永一作求索隱曰書名也雋音松亮反

通善齊人安期生安期生嘗干項羽項羽不能
能用其策已而項羽欲封此兩人兩人終不
肯受亡去田橫之高節賓客慕義而從橫死
豈非至賢余因而列焉無不善畫者莫能圖
何哉

索隱曰言天下非無善畫之人而不知圖畫田橫及其黨慕義死節之事何故

哉數畫人不
知畫此也

索隱述贊曰

秦項之際

天下交兵

六國樹黨

自置豪英

田儋殞寇

立市相榮

楚封王假

齊破酈生

兄弟更王

海島傳聲

田儋列傳第三十四

史記九十四